


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 17 1940

28

T 3222/0 .83. 2



福建續志卷六十五

哈佛大學漢文圖書館珍藏印

列女七

泉州府

國朝

節孝

洪氏李蜚碧妻早寡四孤俱幼老姑在堂家無斗儲

洪事育取諸十指茶苦數十年卒

黃氏彭元上妻年二十一而寡矢志事姑以姪為嗣

未幾又殤終身守節不渝

吳氏諸生傅嘉祚妻年十九夫歿姑老子方三歲遭

亂艱苦守節終身

連氏翁懿宗妻年三十而寡子已娶婦施氏年二十八又寡遺腹生孫長娶黃氏生曾孫孫殞曾孫殤三寡相依立嗣苦守里人傷之

李益良夫吳天錫贅於其家死氏守志撫遺腹孤遭寇亂艱辛全節

李纘娘林構成妻年二十四生子錫奎而構成卒子四歲病危氣絕李告舅姑曰未亡人所以不死者撫林氏三世一孤今孤歿不能復生矣一慟而殞移時錫奎復甦祖父母撫養成立錫奎子琅舉人

林氏謝從可妻夫歿年二十八奉姑撫兒艱苦備至年至百歲

洪氏諸生謝燕翼妻年二十六夫省試覆舟死氏欲自刎姑止之奉姑以孝課子有成卒年七十二林羔娘諸生王其萃妻年二十二夫歿撫子年三十餘卒撫孫及長又卒遺曾孫二俱幼氏婦并二妾孫媳相依茹苦一門五寡守節終身

洪招娘適黃夢星事舅姑及庶姑孝甫育一男而夫兄歿從夫命以男繼嗣未幾夫歿招娘年二十三遇寇亂抱孤避難備歷艱辛及子成立生孫仍分

二支以承夫兄及夫祀置租十石送先王奉祀洪氏宗祠年七十二終

楊氏適殷士達夫歿矢志靡他孤弱多病撫之成立終身苦節年八十一卒

謝氏陳毓叔妻年二十而寡姑老子幼遭寇艱辛強暴有貪產以奪其志者誓死不從族感其節為立券保孤至於長成年八十七卒

許氏陳道標妻年二十九夫歿越兩月生遺腹子嗣燧族親利其產勸他適氏矢志不渝燧長娶妻詹氏生子陞甫三歲燧又歿零丁孤苦姑媳共守一

孤鞠育保護得以成立陞為諸生

黃道官陳肇讓妻夫旅卒氏年未三十事舅姑孝撫孤成立九十無疾而卒

王氏姚鳴岳妻年二十八夫歿撫子德基長娶黃氏德基又歿姑媳守節艱苦備至黃氏先卒王氏卒年七十八

徐氏適黃姓年二十二夫歿守志撫孤道超後為諸生

按府縣志不填夫名亦不言其是妻是妾今仍之存以俟 攷

劉氏蘇廷喬妻夫歿事老舅孝撫幼孤成立年九十卒

黃氏孫二舍妻年十四嫁十五寡守彌月子成立

吳氏適葉芳朱年二十八夫歿家貧事舅姑孝撫孤成人後賊掠其孫責賂聞爲吳節婦孫卽釋之卒年九十孫俱遊庠

董春娘年十八歸黃秀觀二年夫歿無子以夫姪承祀死之日一堂五代年九十三卒

李催娘黃引觀妻年二十二夫歿遺子顯週歲家貧採蕨療饑後顯生子又歿氏撫孫成立年九十五

見元孫

廖氏吳心台妻生子惠我甫七月夫歿子長娶黃氏又歿姑媳苦守孤孫以雙節著曾孫益球益璋選明經益琬舉人知縣

吳氏李世奇妻年二十五夫歿守志撫孤值山海寇亂母子保於外家未幾皆毀艱苦備嘗撫孤成立李氏吳鐘桂妻早歲夫歿事老姑孝撫二孤長成子瑛孫灝及崑俱諸生

陳莽娘林士義妻年十七未婚聞士義病篤趨侍藥越三月而歿守志孝事舅姑諷以他適卽欲自縊

夫兄以次男方升爲嗣氏拮据撫育方升早歿復育其孫苦節數十載

陳氏黃以南妻年二十四夫歿守志撫孤八十三卒周氏廖應斗妻年二十四夫與舅姑俱歿氏遺腹彌月流離播遷撫孤存嗣繼營窀穸年八十八卒子成勳孫震璧俱諸生

留氏年十八適王必盛五月蔡寅寇起仇者引入其家殺翁姑夫叔等六人氏潛脫控於官得償取族人子爲嗣詹事陳萬策有詩美之

林五娘黃尾長妻年二十二夫歿子英三歲矢志撫養英卒婦王氏年二十有娠五月育子林探其意王泣曰婦知與姑相守耳姑婦雙節孫元凱明翼端生俱爲諸生

郭氏陳光京妻進士郭貞一女年二十于歸三月夫歿撫孤子英俊爲諸生

陳氏潘烈妻年二十五夫歿家貧一子一姪俱幼氏鞠養之各爲娶婦子亡立孫承繼孫亡復立曾孫苦節五十年霜操愈厲

官氏吳元柔妻年十七于歸生一男元柔歿氏矢志撫孤事孀姑黃氏至孝

李氏黃宗澤妻年二十六而寡撫遺腹孤成立
吳氏李光昶繼妻年二十夫歿遺前妻一孤氏撫之
成人卒年六十六

何氏李鍾倫繼妻晉江人三十而寡克盡婦道文貞
公光地誌其墓後以子清馥貴 贈宜人

蔡氏彭殿升妻年二十四夫歿母令改適弗從勤紡
績以事舅姑訓子成人卒年七十

郭氏陳二淑妻年二十三夫歿家貧撫孤成長卒年
九十四

洪氏王乘龍妻年二十四夫歿守志奉姑姑與夫兄

及姒繼歿所遺姪幼氏撫之無異已子後氏女孫

嫁夫一年而寡亦守節不變洪卒年七十

李氏諸生林元鳳妻年二十八夫歿子幼守志不移
卒年七十四

廖氏陳盡觀妻年二十四夫歿子淑方五歲家貧氏
藉女工以養淑長又死遺一孫姑媳乳孀居七

十餘載卒年九十六

林氏唐兆良妻年二十五夫歿撫孤母家勸改適弗
聽貧苦守節力耕而食年六十七卒

魏竊娘林長裕妻年二十四夫歿一女方襁庶姑盧

氏生子彌月而盧氏卒竊娘棄已女乳之舅姑憐其志以從姪考爲嗣二老繼歿經營葬事兼葬其夫嗣子考娶婦生二子考歿更守其孫年八十有三卒

吳氏進士會芳女李鍾佐妻佐寢疾氏取所嘔血泣禱中庭吸而盡之祈以身代聞者酸楚夫旣歿事祖姑以孝聞子二清機知縣清植禮部侍郎氏贈夫人

陳氏謝維璣妻年二十八夫歿家貧撫孤年七十五卒

宋氏許必彬妻年二十三夫歿家貧事舅孝撫幼孤成立

洪勤娘黃鍾禮妻年十九夫歿事舅姑孝撫孤成人七十一卒

詹湛娘年十七歸高其壽踰年夫歿子甫匝月矢志撫養以節終

吳氏王城璧妻年二十四夫歿值海氛派重傾產付夫弟輸納食貧奉姑撫一子成立卒年八十二孫大璋爲諸生

白成娘黃梧妻年十九而寡撫孤存祀守節不渝卒

年八十六

李氏施安世妻早寡守志時值流離攜幼孤母家鞠養成長

張氏王寅濟妻年二十三夫歿家貧敬養舅姑撫雙孤有成卒年五十九

莊弁娘詹質樸妻年二十五夫歿守節撫孤卒年五十四

張氏劉昌祉妻年二十三夫歿無子撫兄子為嗣家貧事舅姑孝卒年五十四

王氏潘揆李妻年二十二夫歿撫遺腹孤良俸康熙

丁酉武舉

吳一娘陳璘妻年二十二夫歿子冕服甫三歲氏矢志守節後冕服長娶婦湯四娘未幾冕服又歿四娘年二十七子方二歲姑婦共撫幼孤熒熒雙節吳卒年九十二湯卒年六十六

詹菊娘陳熙樸妻年未三十而寡鞠幼子成人卒年七十一

林森娘諸生王立誠妻年二十四而寡事姑孝善撫孤子年七十三卒總戎李日烺獎以詩

季氏劉怡謨妻年二十二夫歿事舅姑孝撫幼孤成

立卒年六十一

傅氏李郁文妻年二十五夫歿勤苦守節卒年五十

翁氏朱維英妻年二十四而寡撫三孤以教以長卒年七十一

黃湊娘莊文中妻年二十六夫歿撫孤成立卒年六十六

傅氏李鍾某妻年二十五夫歿守志存孤卒年六十五

趙氏翁士泰妻年二十二生子振南五月而夫歿撫

孤守志媳白氏亦二十三而寡里人以雙節稱之
李氏孫文璫妻年二十一夫歿無子撫夫姪為嗣卒年五十一

郭羔娘鄭榮森妻年二十二夫歿善撫其子娶婦陳氏甫生孫子又歿姑婦共守一孫郭氏卒年七十三

洪質娘歸鄭日智年二十九夫歿家貧伯叔欲嫁之剪髮以誓守節撫孤卒年六十三

顏熟娘歸蘇惟寶十九歲夫歿無子取旁支為嗣孝事老姑卒年五十八

曾第娘林光貴妻年十九夫歿孝姑撫子年九十卒
高丑娘張抱蟾妻年二十而寡無子內外逼嫁氏誓
與夫同穴豫勒墓石撫姪為子殤而復立卒年五
十八

吳氏唐兆清妻年二十五夫歿家貧養姑孝撫孤以
慈卒年五十八

許氏唐兆經妻年三十夫歿無子以姪為嗣收夫遺
書而謹藏之卒年五十餘

陳菊娘黃至吉妻少寡善撫幼子卒年六十七

陳氏胡佛生妻年二十三夫亡事舅姑孝撫遺腹子

長成卒年七十一

陳引娘李喬澤妻年二十三寡家貧守節課子翰寵
舉明經卒年六十八

白集娘陳一回妻年二十四夫亡母家諷使改志不
從撫遺腹子成立

黃品娘傅駿妻年二十七夫亡事姑孝撫子瑚為諸
生孫其瑛拔貢

林協娘適詹克綿年二十一夫歿撫子國玉長娶官
氏生子聲遠國玉又歿官年二十六投井殉節家
人救甦與林共守聲遠苦節以終

陳丑娘龔邦穎妻年二十七夫歿事姑孝撫子有成
葬三喪八十七卒

徐氏李元相妻年二十二夫歿子幼矢志撫孤卒年
六十四

朱來娘李世杓妻年二十七夫歿撫孤子至娶曾氏
子又亡曾亦歿氏復撫孫長大卒年六十七

戴氏鄭文齊妻年二十八夫歿紡績撫孤年七十八
卒

郭勤娘黃秉老妻年二十二夫歿敬事舅姑撫養遺
孤卒年五十七

楊氏李制卿妻年二十而寡孝事舅姑以姪爲嗣教
養爲諸生七十二卒

陳氏鄭希獻妻年二十六夫歿撫幼孤長成卒年七
十五

許招娘黃發觀妻年二十夫歿敬事舅姑撫孤子七
十二卒

梁氏諸生林沃心妻年二十六夫歿事舅姑孝撫子
維新舉人知縣 贈氏孺人

吳氏諸生陳國典妻年二十九夫歿事姑撫子苦節
多年

朱氏孫鍾尾妻年二十二而寡孝事舅姑年八十餘卒

葉使娘李鳴鏘妻年二十六而寡撫孤成立卒年八十四

陳氏張賜觀妻孝事舅姑年二十四夫歿家貧歸父家父憫其窮令再適氏泣不從為夫立嗣撫之

王氏廖士佈妻年二十五夫歿無子孝事舅姑立嗣撫養五十八卒

葉氏許廷吉妻年二十一夫死無子立嗣五十六卒謝未娘高吳興妻年二十九夫歿子幼家貧力耕自

食艱苦萬狀竟瞽雙目卒年七十

傅氏劉文泉妻年二十二夫歿撫教嗣子六十餘卒

蔡拱娘高天生妻年二十六夫歿家貧力撫孤兒卒

時五十九

洪玉瑛林修聲妻年二十七夫歿孝事舅姑力撫雙

孤卒年五十一

洪氏諸生李鍾伉妻年二十七而寡事姑孝善訓其

孤

李氏監生葉廷瑜妻事姑至孝氏年二十一夫歿育

叔女如同胞葬舅姑撫遺腹子五十二卒

王好娘廖時昂妻年十九而寡事姑孝撫幼子以慈
五十六卒

劉招娘李樹東妻年二十六夫歿撫孤子有成

洪昶娘林心妻夫愚且戇無怨言夫歿願以女紅撫
孤服闋外家迎之氏曰我寡守無歸寧理遂終身
守志

謝淑娘年十六適吳朝寶年二十八夫歿家貧母家
欲奪其志誓死不從力撫四子

楊氏黃鍾淑妻年十七夫死無子撫姪爲嗣奉姑甚
孝

娘官承炳妻夫歿撫孤以節終

林來娘陳士澤妻年二十九夫歿守節撫孤孤天立
姪爲嗣六十九卒

張熟娘王志遠妻年二十七而寡撫幼孤長成卒年
七十六

翁靜娘林轟使妻年二十夫歿無子母家諷以他適
不從孝事舅姑撫姪爲嗣

陳窈娘貢生劉致遠妻年二十一而寡子幼守節以
終

鄭氏陳芷侯妻事老姑孝年二十三夫亡無子撫姪

爲子子又歿無孫撫從孫爲孫苦節六十餘年
詹氏吳元凱妻年二十八夫歿事姑至孝撫子成立
殷氏劉文勝妻年二十六夫亡撫子子亡乃撫其孫
七十五卒

陳氏林肇德妻年二十七夫歿撫遺腹男有成卒年
七十八

胡純娘林德全妻年二十夫歿撫幼子元捷入泮五
十三卒

李氏易亨棟妻早寡撫孤敬事舅姑卒年六十
鄒葉娘李毓尊妻年二十而寡撫孤成立

李氏陳肇莊妻年二十二夫歿家貧無子父母諷之
嫁截髮自誓力撫嗣子六十五卒

黃氏陳世及妻年二十九夫歿家貧勤苦撫孤六十
一卒

蔡氏謝駟淑妻年二十六夫歿家貧奉舅姑孝能撫
二子卒年六十九

林氏諸生蕭履祥妻年二十五夫歿事舅姑以孝聞
劉氏吳開藻妻年二十一于歸七日而夫歿以姪爲
後孝養老姑

林氏施鴻興妻年二十四夫歿事舅姑孝力撫幼孤

娶婦生二孫未幾兒媳相繼亡氏復撫孫守節五十餘年

陳氏張天續妻年二十二而寡守志撫孤事姑甚謹
陳氏王耀考妻歸十月而夫歿無子以姪爲嗣勤爲撫養

王氏劉文奮妻幼通列女傳女論語年二十四而寡
事姑孝鞠子有成

謝氏彭棟妻年二十五寡孝養撫孤苦節以終
張次娘王進柄妻年十九夫歿撫孤年十八又天取
旁支爲嗣艱苦終身

蔡氏潘忠淑妻年二十四夫歿事姑孝撫二孤成立
林添娘歸王子祿年二十九寡事姑撫子九十三卒
林禮娘王士符妻年二十而寡家貧種藝自給鞠幼
子及夫弟又夫叔老無所依氏迎養迄終事之如
舅

張任娘適白羅羅家貧客臺歿於海外子幼姑老氏
偶乏告貸於兄兄勸他適遂終身不至母家日耕
夜織脩歷艱辛

吳氏施方娠妻夫死年二十矢志守節後舅歿夫之
諸弟亦相繼逝氏一人任之生事死葬無不盡禮

傅氏李慎卿妻年十七夫歿守節教子雍正間 旌

祀節孝祠

林氏李際昞妻夫歿子培岳方九歲葬舅姑賑粥造橋著有功德及培岳娶妻陳氏尋又歿陳矢志撫孤併創立祖祠設祭田以承先志乾隆間 旌其雙節

葉氏李文脫妻歸四載夫歿事姑撫子姑卒營葬三喪歲祀以禮乾隆間 旌

張稠娘潘元俊妻年二十三夫歿事翁姑孝撫子思光舉宏詞成進士任河南知縣乾隆間 旌

王氏諸生謝徽禔妻食貧守節九十三年卒

盧氏周昌獻妻年二十四而寡孝養舅姑撫孤成立守節六十餘年

洪氏林元蛟妻年二十夫亡撫育遺腹子守節六十五年

蕭氏鄭可遷妻年二十夫歿事舅姑孝善撫幼孤守節四十年

器舍歸黃溥溥歿氏年二十五事舅姑孝撫二子成立

郭氏李清巽妻年二十七而寡撫孤育孫苦節四十

餘年六十七卒

溫納娘陳開良妻年二十而寡家貧守志以節著
張丑觀林謙觀妻夫早逝男又夭立姪爲後守節以
終生平好施予人皆頌之

陳氏李延年妻年十三于歸十五夫歿無子姒氏舉
次子請於舅姑爲嗣恩勤撫字

金氏邱鳳儀妻年二十五夫歿守志撫孤

陳默娘張士澤妻早寡子幼苦節五十五年

莊氏郭天賜妻年二十六夫歿姑老失明奉事惟謹
撫孤嚴慈兼至

陳氏王樹峩妻年十九而寡矢志不移撫遺腹男長
成

劉錦娘林維謀妻夫歿年二十四孝事舅姑撫二子
有成守節六十五年

彭氏年二十適謝由中姒歿遺二姪撫之如已子逾
年姑與夫俱歿氏年二十七經營葬事撫子姪成
立

葉氏陳立山妻年二十六而寡家貧孝事舅姑撫子
岩修爲諸生

洪儀娘李毓榴妻事舅孝年二十八夫歿撫三子成

立

林氏蘇天隲妻年二十五夫歿善撫三孤

楊氏李啓正妻十九歲夫歿無子立嗣勤撫育之

林氏朱良弼妻年二十六夫歿孝事舅姑撫子璣癸

酉舉人

林氏 贈朝議大夫李鍾寧妾生子清標年二十三

夫歿氏同嫡何氏暹勉撫孤清標舉於鄉官教諭

以上安溪

已經 旌表節孝

黃氏鄭可培妻 施貞女 張氏莊延祝繼妻 王

氏郭岳妻 楊氏陳方嘉妻 許氏吳淵伯妻 林

氏黃士璉妻 粘氏黃紹策妻 王氏池繼澤妻

溫氏陳兆菁妻 黃氏蘇騰案妻 黃氏陳向榮妻

黃氏曾承烈妻 陳氏黃琮妻 吳氏伍用舟妻

王氏劉啓碩妻 蘇氏鄭涵妻 曹氏陳聯元妻

林氏蔡奕樞妻 鄭氏楊思光妻 董氏周家李

妻 黃氏李璟廉妻 蔡氏黃元恒妻 許氏鄭汝

瑤妻 曾氏江子趾妻 洪氏柯士鼈妻 蕭氏顏

鼎儒妻 蔡氏李廷悅妻 駱氏曾元貢妻 吳氏

周元實妻 謝氏紀洛畿妻 賴氏蔡士震妻 蘇

氏吳維騏妻 李氏楊志瀚妻 林氏黃士璉妻

吳氏陳嶢思妻 李氏陳楸桂妻 李氏徐元恩妻

曹氏蔡天佐妻 邱氏顏廷椿妻 陳氏楊慶美

妻 吳氏陳維雅妻 李氏儒士蘇琛妻 黃氏儒

士紀大純妻 杜氏唐士芳妻 紀氏儒士陳士秀

妻 俱乾隆間 許氏吳彰朝妻 李氏朱虎妻 陸

氏蔡雄達妻 謝氏潘鼎發妻 陳氏王貽玉妻

吳氏傅思樂妻 鄭氏戴隆齡妻 施氏楊從謙妻

林氏吳肇迎妻 俱乾隆間 王氏曾飛龍妻 周

氏陳良燦妻 黃氏仇毓正妻 連氏陳作梅妻

莊氏邱繼緒妻 黃氏莊維祿妻 魏氏張燦妻 俱乾隆間

以上惠安 楊氏池源珍妻 黃氏李其文妻 柯氏

黃佐賢妻 張氏黃登泰妻 張氏莊允升妻 蔡

氏儒士馬簡授妻 俱乾隆間 王氏劉元桂妻 黃

氏唐邦拱妻 陳氏李培岳妻 王氏謝壽海妻 俱乾隆間

以上安溪

未經 旌表節孝

張氏莊某妻 李氏吳士岳妻 王氏黃仰高妻

陳氏王錫晉妻 王氏林士聯妻 高氏吳元美妻

黃氏蔣階奮妻 陳氏吳元珪妻 鄭氏王大年

妻 曹望遠妻陳氏媳王氏 楊氏黃繩武妻 王
 氏許朝崧妻 陳氏馮師寬妻 黃氏蔡廷瓏妻
 黃氏楊元琳妻 劉氏楊龍妻 黃氏洪世泗妻
 顏氏許光輝妻 謝氏董德連妻 黃氏林元堤妻
 以上晉江蘇氏黃秉忠妻 楊氏陳啓邦妻 魏氏張淑
 全妻 郭氏鄭允桓妻 王氏張攸敘妻 黃氏戴
 送瑛妻 黃氏戴彰加妻 陳氏林應春妻 侯氏
 戴拔茅妻 林氏洪景瑞妻 以上南安黃氏陳世及妻
 陳氏王顏論妻 沈氏黃碩密妻 謝氏李清存妻
 陳氏林日容妻 林氏王實妻 蔡氏陳天泰妻

許氏林維芳妻 蘇氏朱志權妻 李氏黃侯妻
 李氏吳克明妻 馬氏黃世讀妻 洪氏陳啓興
 妻 唐氏黃澤郎妻 廖氏林粹妻 顏氏黃章法
 妻 陳氏吳際添妻 陳氏周世壽妻 劉氏王士
 定妻 黃氏李志勗妻 鍾氏陳自省妻 王氏林
 標獻妻 周氏程汝擇妻 楊氏王採妻 陳氏劉
 珊妻 吳氏李變生妻 史氏陳鼎肅妻 張氏李
 瑞妻 施氏王秉玠妻 劉氏陳光遼妻 徐氏林
 概妻 翁氏林佳葵妻 李氏莊荔瑛妻 李氏吳
 懋節妻 康氏鄭廷樽妻 林氏陳得卿妻 吳氏

股佑昇妻 謝氏吳廷進妻 劉氏趙秉儉妻 馬

氏李鍾男妻 康氏鄭世暹妻 龔氏陳某妻 葉

氏黃宏齊妻 高氏林鵬飛妻 楊氏林勤妻 張

氏李鍾畝妻 陳氏張萬生妻 張氏李清敬妻

張氏陳廷提妻 林氏陳光遇妻 黃氏林子肖妻

蔡氏李端妻 劉氏王君玉妻 唐氏王奕評妻

李氏陳鵬奮妻 馮氏詹司憲妻 王氏陳純修

妻 秦氏陳妙妻 李氏陳拱妻 胡氏張文穆妻

蕭氏張文溫妻 林氏張鍾降妻 陳氏吳志騫

妻 陳氏吳焯芳妻 史氏李朝逅妻 陳氏王益

妻 趙氏林士許妻 陳氏王章燦妻 葉氏黃

良郎妻 周氏王士廣妻 黃氏唐錫國妻 許氏

施麟文妻 陳氏李學經妻 以上安溪

貞烈

林氏歐廷琰妻順治丁亥土賊入據衛城林率二女

赴水死里中女從死者十餘人數日尸浮皆相抱

持糾結不可解

楊氏監生陳豐哲妻康熙丁巳 大兵臨泉偽帥奔

遁氏年二十四懷孕見迫義不受辱投井死

陳氏王材妻歸未幾材歿及葬舅又歿越四日縊死

鄉人鳩錢以殮與材合葬以碑表之

陳開瑛莊允謙妻始婚夫病入門侍藥病篤籲天請代明年夫死毀簪珥治喪畢從容自縊其時里麥方秀忽變而枯

李氏陳允壯妻歸九載無子允壯歿誓不獨生族戚議立嗣子遂自縊死

鄭氏黃道扶未婚妻道扶訃至女卽投繯其母救甦延至數月復縊死

莊完娘林仰烈未婚妻仰烈歿女號哭不食從容自縊舅家迎柩合葬

謝勸娘吳寶廷妻事姑至孝時寇發寶廷爲鄉長哨及寇圍城盡遷鄉哨妻子入海至厦門旋令發配勸娘夜整衣北拜姑引帛自縊

卓恬觀黃德觀未婚妻夫歿恬觀年十七聞訃密服投繯卒

王貴娘陳國樞妻年十九夫歿絕粒十日不死自縊陳衍娘楊緝妻家寶蓋山前緝賈於外兩子一女俱幼強暴入其室欲汚之氏力拒被毆死詹事陳萬策爲作傳

陳連觀劉士哲妻年十九于歸不數月夫歿氏哀號

設祭祭畢入室自縊一作劉乾官妻或
有二名存以待攷
王氏施士魁妻年二十五夫歿無子不食七日自經
死

蔡招娘曾兆傳妻忠毅道憲公孫女年二十四夫歿
甫脫服絕粒七日投繯卒

王氏曾國翰妻歸四月國翰歿越三日自縊以殉

某氏陳祿妻夫歿子幼舅欲奪其志入室自縊

許慈娘蔡迪愚妻事舅姑至孝年二十二夫歿臨穴
欲殉父母舅姑止之以死自誓三旬奠畢鍵戶自
經適父外出俟歸乃殮經暑五日顏色如生

陳氏曾伍興妻康熙戊午閩海寇犯鄉氏被擄至吟
嘯浦第四橋度不免乘間跳橋下死次日屍浮水
上顏色如生衣裳不解鄉人異之

林信娘李璇觀妻夫死無子投繯死

施來娘許聘莊氏子未婚夫死聞訃自縊

王梓娘林汝楚未婚妻汝楚歿後一日絕粒閉戶自
經年僅十七

王氏諸生施嘉惠未婚妻嘉惠鄉試歿於福州氏年
十七卽奔喪孝事舅姑至嘉惠小祥日縊柩側家
人合葬以夫姪繼其嗣

王氏施世儀妻嫁六年夫歿絕粒七日梳洗縊棺側
陳氏姚意使未婚妻父母嫌貧悔婚氏死之郡判陳
疇九作詩以旌

吳惜娘黃斌美未婚妻美卒惜娘奔喪乞夫姪爲嗣
事舅姑孝後嗣子長娶婦遂投繯卒

陳氏周日陞妻年二十一夫歿絕粒三日梳櫛自縊
徐懿娘許字永春黃成霖未婚成霖歿氏年二十聞
訃自經兄元輔爲殯殮合葬自是連月不雨郡守
劉侃致祭表廬乃雨雍正間旌

王氏給諫王命岳孫女林彥中妻年二十出嫁花燭

之夕彥中陡病將卒王氏哭曰死吾分也彥中曰
能爲立後乎諾之臥柩側足不踰閭逮夫第舉男
立爲嗣遂絕粒顧諸妣曰善撫此孤瞑目而逝

林氏千總王祿妻年十八于歸祿調臺灣千總病歿
柩歸之日氏出郭哭奠越日再祭歸投繯死乾隆

間旌

以上
晉江

陳氏吳肇焯妻年二十一夫歿以幼子囑姑投繯卒
傅氏黃攀妻夫歿立姪爲嗣於小祥日從容自縊
傅氏許字貢生吳而升子父移家臺灣被累見收女
年十五投入陳某家陳妻劉憐女無辜善護之女

恐見辱矢志必死偵室中無人惟舊媪張在側與之語愴然淚下既而脫耳環授媪曰已矣媪出遂投纆死

蔡漸官伍敬祖妻年二十二夫歿自縊尸側

吳氏儒童傅思樂未婚妻夫亡殉節乾隆間

旌上以

南安

鄭氏王汝妻順治十三年被寇掠過洛陽橋投江死

越日屍出顏色如生

林氏張榕妻婚二載有娠而夫遠客不返海寇寢發

城陷寇入門奪其子遂與姊莊氏同縊

黃氏王錫祉妻夫病經年湯藥罔懈及夫死三日後

自縊以殉

前志載王錫祉妻張氏張黃疑有一悞今據府志續載以俟考

張氏陳孫思妻幼讀書識大義歸未久夫歿即投井

家人救免誓為立嗣丙辰有寇患氏呼兄與決題

壁云獨守冰霜十二秋因將嗣繼忍身留乾坤此

際應裁決免使貞魂劍下休遂投纆而死

陳氏張亮妻亮歿越二日縊死邑令田廣運匾以旌

之

劉氏陳毓妻毓歿七日自縊死

黃氏薛得華未婚妻夫歿氏年二十一奔喪守貞舅

姑為立嗣氏竭力奉養孝道無缺三年姑亡氏哭之慟遂不食七日死

黃氏薛榮未婚妻榮歿誓死靡他越三年姑亡治喪畢不食死

陳珠娘乾隆間 旌建坊入祠

陳外娘乾隆間 旌建坊入祠

二條載府志而事實未詳今仍之

義娘失其氏鷺島人也及笄遭寇擄以頭觸石幾碎行至東嶽投道旁井而死其後鄉人蘇貴夢見一女子曰吾屍陷井中君能出瘞之當厚報掘井果見白骨以素練衣裹之毛髮森然及葬素俱化為

水鄉人異之為立祠於墳曰義娘祠井曰義娘井

有病者得井水飲即愈 凡水旱災禳邑令竭誠往

禱無不立應

觚賸載義娘王姓

莊氏黃興妻興習優時或寄餘資付氏為事翁之費翁歿氏賣薪市棺不給泣貸富家期夫歸償之及夫病客所求夫之中表幼弟偕行覓夫夫歸卒氏悉出做衣殘器以償負者服藥而死鄰人殮而合葬焉

李氏諸生劉宗道妻宗道為寇所掠并執氏氏不肯上馬被裂死至今西源人祠之

昭娘失其姓王對妻對以舟覆死昭娘設奠週七七沐浴更衣自縊

張氏陳氏子未婚妻年十九夫歿奔喪事舅孝更十年嗣子弗類嘆曰吾望絕矣遂自經

盧氏林睿未婚妻夫歿請奔喪母不許乃絕粒自製喪履履成適議婚者至遂自經年十八

施姒娘莊時悅未婚妻時悅卒痛不欲生格於父母不得奔喪踰年父母議改適密囑鄰婦引至夫家拜舅姑請爲夫立後舅姑哀其意爲置繼嗣閱九年嗣子漸長遂自經

黃業娘池繼英妻夫歿無子以兄幼子爲後氏卽欲殉舅勸之撫孤無何舅卒孤殤氏勤女紅以償夫所負債遂服藥而死年三十二

周潤娘林君發妻舉人周鶴山女嫁半載夫歿持服哭奠如禮旣卒哭遂絕粒而死

黃氏余興世妻歸二年生子夫歿孤繼殤遂自經死彭京娘蔡君坦妻歸三載未有子夫歿殯葬臨窆將殉家人救起嚴防之京娘朝夕奉奠如常一日晨起出汲佯仆帶濕衣入言入室更衣閉戶自縊

蘇徧娘葉鳳嗜未婚妻鳳嗜卒與母豫定死期自製

衣服請舅姑至家拜訣囑以攜柩合葬為夫立後
囑畢從容投繯死時年二十

周姜娘陳植璧未婚妻植璧歿聞訃慟絕將殉其母
防之甚周閱八月值其母歸寧乘間投井死以上同安

亡名氏女順治初寇掠鄉村氏被逼不從寸磔而死
相傳此女為林家婦而失其姓氏

林氏楊淑春妾晉江人淑春贅林家十日回安溪再
來病氏侍側不解帶交睫者數夜逼除復歸家明
歲歿而未訃氏猶祈以身代及訃至掩袂哭不成
聲入室縊死楊家迎柩與淑春合葬時年二十二

吳氏陳宗佐妻里民黃偏強污不從氏忿自縊乾隆

間 旌

李氏藍國圃妻總兵日焜女歸三月夫卒絕粒七日

外家往視強起縞素拜辭舅姑曰婦人應從一而
終閤扉奄忽而逝年僅二十二

詹京娘高洛未婚妻父母早亡依其叔洛久客不還
舅姑許改嫁氏守義不移待字二十載聞洛卒投
溪而死

林氏王熙載妻年二十夫歿不食數日卒

林素娘白元暢妻年二十一夫歿撫姪為嗣七歲而

天慘慟自縊家人救甦防稍懈整衣復縊卒

鄭氏李濃雲妻未婚夫病危氏年十九往侍藥閱月

夫歿哀慟而殞

田快英林鳳妻年二十夫歿七日從容自盡乾隆年

間 旌 以上安溪

張氏李漢世妻 王氏陳白舍妻 謝氏胡廷鐘妻

莊氏胡廷鐘妾 王氏魏德峻妻 陳氏黃廷珪

妻 陳氏黃嗣烈妻 張氏王浯觀妻 何氏黃卹

妻 林氏黃于縉妻 林氏張璟妻 何氏張學衝

妻 王氏何家駮妻 張氏李滿妻 一作張氏李璠妻人節孝是一

是二並存備考 胡氏何斌觀妻 楊氏曾一禎妻 陳氏朱

瑞璧妻 林氏張老妻 何氏諸生張翔妻 張氏

舉人陳正陞未婚妻 唐氏黃某妻 洪氏王某妻

按以上皆惠安雍正年間未成志稿所載貞烈之未經立傳者今依府志存之以俟攷

福建續志卷六十五終

[Faint bleed-through text from the reverse side of the page, including names like 林刃, 黃氏, and 刺刃未]

福建續志卷六十六

列女八

漳州府

國朝

名媛

黃二姐孝廉蔡一橙妻性不喜明妝炫服閨門之中

儼如朝典敬事尊章得婦如得子焉懋和妯娌得

伴如得兄焉容納媵侍得主如得師焉見黃石齋

贈文 漳浦

按黃氏前明人而卒於國朝列女內今從之

本朝故漳浦志載

節孝

韓氏劉淳質繼妻也夫死家貧外氏謀改適氏以撫孤存嗣自矢值海氛流離遷徙卒完其節

林氏貢生黃明珍妻年二十八而寡事舅姑惟謹卒年六十四

陳氏許士琛妻少寡依姑以居壬辰之亂居圍城中忍饑哺其姑復奉姑避寇猝與寇遇以身翼姑爲寇所刃傷脊幸不死以節孝終

李四娘丁建鏞妻年二十而寡身疾刲股以進遂痊

順治間旌

黃氏諸生蔡大經妻年二十二寡撫遺孤震孫茹苦

五十一載

林騰娘諸生璧吉女許字方學學病亟迎氏歸侍湯藥四旬而學卒氏號哭剪髮以誓卒全其節

趙官娘適楊繩祖年二十二夫卒自經兩次皆不死遂立志撫孤備極酸楚

李團娘適王夏天年二十七而寡紡績奉舅姑嘗冒死翼姑烈焰中人稱其孝

柯嫩娘父與沈滋樑父夙好也指腹定婚未幾相繼歿壻貧無以自立叔謀改字氏堅持不可瀕於死

者屢矣卒得歸沈偕老

侯灼娘幼許聘韋鍾崑病狂治弗痊灼娘泣請以身侍疾遂歸於韋夫狂益甚氏事之無悔鍾崑卒苦節五十七年

陳果娘夫張樗客死初氏夫在時竭誠事繼姑姑弗善也使異居至是憫其饑寒勸之改適氏婉辭以謝久之感其孝亟稱之

鄭氏楊庇妻庇貧無以自存鄭招爲贅甥次日氏卽迎姑以居庇病篤氏誓奉姑不再適姑病時其輓側相幫皆躬自澣濯不以誘人里黨稱之

劉燦娘適吳德熙卒勤十指養姑自以糠粃薯菜充饑次子登陞復歿與婦楊氏矢志育孤

張氏方應時妻應時卒於泐孤生未週月含哀茹苦篝燈紉針以自給復遭祖姑及舅姑喪家益貧常併日而食親串爲醪金歸其夫觀

鄭載娘番女也父娶於番生載娘適余詔詔卒母憐其少微諷之持不可家中聞其夢中嚙語皆引義拒母辭也姑患腸結幾殆氏以計出之病遂痊妯郭氏年二十九而寡亦以節聞

許氏嫁楊勳爲農家婦勳早卒氏截耳斷髮以自誓

書則操作夜則紡績嘗割股和糜以愈姑疾年逾七十而終

陳儀娘翁成妻成疾篤來求婚家人欲不許諷儀娘儀娘曰彼疾不歸侍欲俟其死改適耶乃歸於翁甫七月而成卒投繯縋絕不死遂苦節終其身楊氏鄭建中妻建中歿遺孕生女屢欲自裁以姑在不忍也夫兄潤中爲立孤矢志苦守三十九年陳蔭娘適韓學洙學洙病篤以父母爲託氏涕泣自誓無二心卒後私家果有欲奪其志者氏曰夫在時已許其奉親矣死且不恤何有於貧年逾八十

卒

黃氏徐汝翼妻年二十六而寡家貧屢不舉火清操益峻

曾初娘謝廷選妻年二十八而寡事姑至孝姑時語人曰得婦如斯是無子而有子也守節四十三年王氏魏統妻事姑至孝夫卒子呈鑄甫三歲叔有異志氏乃徙依外家賃草舍以居課兒學稍懈輒自刺其掌兒爲驚奮比呈鑄補諸生氏乃歸故居營夫葬而終老所坐紡績處終歲不離寸許李耀娘謝廷相妻廷相死苦節五十一年足不踰閩

林正娘適諸生鄭鴻略年二十五鴻略卒撫孤繩周
孤復歿與婦許氏相依爲命者五十餘年

林氏曾曰仁妻年二十二而寡家貧併日而食而奉
老姑甘旨無缺姑歿孤天與媳陶氏茹荼集蓼四
十年

李七娘謝嘉睿妻年二十三夫死始產遺孤值海氛
弗靖流離瑣尾卒能自全孀守五十餘年卒

邱信娘適韓純智時海寇跳梁挈家避亂於浮山寨
未幾翁姑及夫俱逝氏奉三柩歸葬躬負土爲塋
苦節五十七年

楊氏事父母以孝聞年十七歸蔡拔生二十而寡時
軍伍頻興所居雲洞爲要衝氏於流離患難中安
厝四柩人尤難之

蔡氏王富妻富卒氏傭於族婦族婦遺之飯必箬而
歸以奉姑姑卒稱貸爲喪葬費復傭以償

周起娘適諸生陳之曦夫卒家貧紡績育孤以延夫
嗣苦守四十年

許氏蔡常旦妻年二十七而寡姑疾割股以進終養
二十二年壽八十一卒

蔡和娘浙江人龍溪王國助娶焉次年舅及夫販寧

波相繼卒含辛育孤孤稍長挾之往浙負骸歸葬
馬氏王標妻年二十一而寡避寇果堂寨寨破舅被
擄將及氏若有神持鏡擲賊賊驚逸去舅爲賊拷
掠斥奩具贖歸守節五十五年

陳轉娘莊邦昌妻嫁甫六閱月而寡爲夫繼嗣復以
哭姑喪明年六十七卒

黃氏鄭重簡妻年十七歸值舅姑俱病輾轉牀蓐間
氏時其湯藥勤其浣濯無所畏苦夫溺死氏沿溪
號哭獲尸抱與俱沉以救免孀守三十六年

陳隨娘林宣妻宣死有諷之者氏厲聲曰狗彘之行

所不能爲姑疾十餘年未嘗離左右一日以事將
寧家與姑期以晡時返甫出門聞姑泣聲急趨入
抱姑哭曰婦不歸矣姑歿喪葬無違禮

許氏湯卿軒妻卿軒病瘵氏持匕割股以進夫疾果
漸瘥越數月遂卒爲立嗣育之苦節四十餘年

洪淡娘年十八歸諸生魏彬越六載而夫歿扶姑避
亂賃舂作苦以奉甘脆雍正間旌

鄭氏徐秉興妻年十九于歸甫四月而夫死撫二嗣
子不茹葷不衣帛終其身雍正間旌

王要娘諸生何朝端妻朝端卒苦節三十一年雍正

間旌

藍彰娘甘亨嘉妻亨嘉卒氏年二十三含葉育孤誓

不改節雍正間旌

陳氏蘇鳴鳳妻鳴鳳夭氏年始二十艱辛自守以完

節終乾隆間旌

黃學媛陳元壽妻夫歿三十年未嘗見齒乾隆間

旌

戴氏黃六謙妻六謙卒氏忍死育孤孀守數十載

乾隆間旌

陳怨娘游梓妻年二十夫卒值海氛弗靖氏逃難山

中樵薪採薇以奉姑守節六十六載乾隆間旌

方氏鄭鍾峩妻年二十三鍾峩卒辛勤育子乾隆間

旌

曾聘娘謝昌祚妻夫歿孤幼門無期服之親治姑喪

能如禮乾隆間旌

涂褒娘蔡元然妻元然遊學死粵東氏奉老姑盡孝

家極貧而祭先必豐潔乾隆間旌

陳氏蘇帥品妻夫卒育子陣家貧教之業縫紉度生

苦節數十載乾隆間旌 見海澄縣志

陳秀娘適覃竹友夫卒矢志守貞乾隆間旌

陳氏李天堦妻年二十四天堦卒事姑育子白首完

貞乾隆間 旌

蘇待娘趙與湯妻與湯遊於外治姑喪無遺禮家貧以莧根充腹然紡績所入輒以分親串之尤貧者

子登瀛歲貢生乾隆間 旌

楊氏黃大德妻結褵後相夫以禮夫死年甫二十務

勤紡績以養舅姑併濟貧乏督其孤燦力學為郡

諸生有文名乾隆間 旌

王氏趙孟坡妻夫卒課子荆丹不以孤故少寬後為

諸生氏之教也乾隆間 旌

林氏諸生顏家駒妻家駒卒氏年二十四事舅姑一

式於禮乾隆間 旌

顏氏適陳御標夫卒孀守數十載不渝其節乾隆間

旌

陳夏娘蔡進璞妻夫卒姑支牀六載奉湯藥必親

乾隆間 旌

高轉娘謝汝諧妻汝諧卒於外氏捐奩具奉櫬歸事

祖姑及姑孝乾隆間 旌

廖廷娘蔡德一妻守節六十一年乾隆間 旌

林氏黃綸彬妻夫卒氏矢志育孤以節終乾隆間

旌

黃氏陳天祿妻天祿卒氏奉祖姑及舅姑無遺禮

乾隆間 旌

陳譽娘侯天珍妻夫歿姑哭子幾喪明日為舐之久

乃痊復苦守四十餘年乾隆間 旌

許氏郭植妻植死辛苦撫孤卒底於成子承業元輔

補諸生承綸舉人乾隆十七年 旌二十六年封

孺人

宋漸娘張鉉舍妻嫁三載而寡為夫立嗣苦節二十

三載乾隆間 旌

蕭納娘邱倚炳妻孀守四十三載始終一節乾隆間

旌

陳約娘柯日焜妻夫卒育子慈不弛嚴子天圻補郡

諸生乾隆間 旌

李靜娘鄭燦慧妻夫卒守節六十九年乾隆間 旌

陳明娘林兆咸妻夫死艱辛自守數十年如一日

乾隆間 旌

林密娘徐賡儉妻夫卒孀居六十四載乾隆間 旌

王氏林純直妻夫卒恒紡績以供甘旨乾隆間 旌

陳鳳娘錢光錄妻家貧奉姑生養死葬皆式於經守

節五十一載乾隆間 旌

陳錦娘張思語妻年十九歸思語甫三載而夫歿撫

週歲孤備歷艱辛婦陳氏孫婦吳氏皆少寡人哀

之氏於乾隆間 旌

郭權娘諸生方啓化妻奉姑以孝聞啓化卒孀居六

十餘載乾隆間 旌

莊璣娘諸生唐璧妻夫卒事姑以孝聞能藏夫所遺

書使不蝨蝕孤象言長乃授之後補弟子員乾隆

間 旌

蔡冕娘監生許紹崇妻嫁越二載而寡忍死育孤撫

夫弟子如子乾隆間 旌

劉環娘黃遇和妻年二十一而寡育二孤及長為娶

婦未幾二孤相繼歿偕媳鄒氏陳氏一門三節

乾隆間 旌

覃敦娘顏士欣妻年二十六孀守捐私業以擴祖祠

族黨稱之乾隆間 旌

金忍娘莊仲通妻仲通卒家貧紡績度日營姑窀穸

乾隆間 旌

鄭榮娘年十八適黃世甲甫一載而夫歿遺孕五月

生男乃矢志守孤乾隆間 旌

蔡氏許紹崇妻二十四歲夫歿守節二十三年乾隆
間旌

黃欽娘年十九嫁陳惟灼甫期歲而維灼歿遺孕九
月氏含酸育孤竝撫夫弟之子視如子乾隆間
旌

陳璵娘韓宗文妻年二十六夫亡遺二孤亦天氏乃
撫繼孤成立苦節五十六載卒乾隆間旌

林氏王公誠妻二十歲夫歿事姑惟謹遺腹僅一子
鞠育顧復以至成人守節六十一年乾隆間旌

許氏楊振恩妻孀居撫孤守節三十一載卒乾隆間

旌

王氏鄭懋銓妻二十七歲而寡守節五十五年乾隆
間旌

陳姜娘幼許配王合合習優父有悔婚意姜娘不從
值合父病欲貸昔所聘金父貸之遂乘機許字他
姓合聞之官邑令熊琴得其情義姜娘卽公堂具
禮而歸之後合不改行姜娘悲憤死

陳氏適廩生趙崧習女史嫻婦儀年二十八夫亡姑
亦繼卒足不踰閩者五十餘年

李氏適柯貌光甫二十三日而寡先後立四嗣孤俱

嫂母老無依迎養終其身

何益娘許陣妻陣卒年二十四貧無以自存茹蘗飲水奉姑育子苦節三十八年

劉寬娘嫁郭起鳳郭庶出也舅老惑於君姑虐使其庶及寬娘委婉將順逾年生一子而起鳳死氏憂瘁成疾死

陳氏年二十歸黃廷燦二十五而寡事姑以孝訓孤以義方婺居四十八年乾隆間旌

葉氏許字黃開未婚而開卒氏年十六聞訃絕粒七日不死夫家迎歸守節三十年足不踰閭

張氏劉夢柏未婚妻夢柏歿氏聞訃入井不死欲奔喪舅以家貧屢阻不得迎歸歸執婦道惟謹久之卒不得舅姑歡使異爨焉氏忍饑茹苦女紅自給以哺嗣子守節數十年

陳實娘許字王且且天氏年十五母欲奪而嫁之以死自誓乃歸於王忍饑奉姑以孝聞

林佳娘許字蘇孕積孕積客死氏欲奔喪母止之氏曰兒父已受其盟生死同之遂行爲夫立後食貧以終

蔡氏林閣未婚妻閣死海外氏年二十四誓不改志

婺居以節終

陳學娘許字姚雙吉雙吉客死氏歸姚爲夫立後守節以終

郭喜娘許字魏陶待字三十七年而陶羈旅不歸舅姑憐之迎歸又十年而陶竟死於外喜娘守貞以卒

郭學娘受徐文箱聘箱卒於粵氏奔喪守節家貧無肯爲承祧者悲憤而死

林氏農家女許字蘇合合久客絕音問父憐女愆期厚資遣歸於蘇而合卒客死氏出奩具資叔治生

久之貲竭叔凌之弗敢怨也垂老目盲幾無以給云

陳灑娘未婚而夫丁珣死奔喪欲守志舅姑弗允氏引刃自裁姑急抱其頸從所請乃爲夫立後未幾子夭苦節以終

郭氏陳元智未婚妻年十八而元智歿奔喪守貞姑郭亦婺婦也兩世熒獨相依人稱雙節

陳秋來揚秦妻陳氏媵婢也陳生子數歲秦死陳亦死族人欲挾孤而併其產者斥賣秋來秋來死不去極困頓之志益堅曰我於主人無一席恩所

以爲此者爲孤計也挾孤者知不可奪卒還孤產及孤授室生子後又歿秋來復撫其三歲兒

卓氏吳志遴妻潘氏婢潘生一子而亡臨終以幼孤爲託未幾志遴亦客死卓撫孤家貧黽勉底於成人終身不偶時有林士元婢吳月姊亦撫孤不嫁事與卓同人咸義之以上龍溪

林氏蔡衍鑄妻歸蔡未數年而夫歿家貧撫孤守節三十餘年乾隆間旌

江氏唐廷藝妻年二十二而寡矢志守貞事姑弗懈教子有成守節四十四年乾隆間旌

林氏盧鴻答未婚妻將結褵而鴻答歿易服奔喪孝

事翁姑冰霜矢節三十餘年乾隆間旌以上漳浦

郭氏劉廷妻廷外出物故氏年二十七遺腹六月及生男矢志靡他事舅姑生養死藏皆冰蘖所拮据也歷節六十餘年九十三而卒

王氏儒士歐一鳳妻年二十四夫歿營葬無資盡鬻簪珥以襄事孤方週歲惟勤紡績爲鞠育苦節六十餘年

黃氏劉廷伯妻年二十七寡苦節五十餘年年八十有八卒孫澄海曾孫拔皆遊庠

陳氏國學生林士俊妻年二十三孀守撫孤成立卒年八十有四

何氏李孫銓妻年二十適李生二子方在襁褓夫歿氏矢志事翁姑以孝聞撫二孤成立苦節五十年張鳳頭陳國艾妻年十八于歸及寡孤圭鯤甫六歲圭鯨方四歲老姑在堂氏守貞事姑終始盡禮撫孤成立年七十五而卒

陳勸娘年十八歸黃逢元二十四而寡遺腹生男矢志孀守當海氛播遷氏扶老翁負孤隨里人入山邱氏林德懋妻年十七于歸二十孀守奉姑菽水承

歡撫孤課督成立孤應瑞候選州同知請旌建

坊孫劍光上苑後先成進士人以為節孝之報云林氏黃綸彬妻金門守備林翰女年二十一歸綸彬十三月而寡時有遺腹雙白在堂欲為黃氏延一綫乃吞聲飲泣及孤生奉養撫育出自十指舅姑歿喪葬盡禮教子嚴而有方孀苦三十七年雍正間旌

陳氏洪紹堂妻年二十孀守苦節五十年撫孤子憲遊庠雍正間旌

李氏郭纘緒妻年十五歸郭氏二十一寡姑葉氏年

七十二亦孀守氏茹荼集蓼強慰姑心極苦節所
難堪者皆備嘗之請 旌建坊氏享年九十孫曾
繞膝四代一堂人謂食報不爽

戴氏年二十一歸黃謙六二十四寡遺孤三歲矢志

撫育孤復天氏慟哭自經者三族人抹甦且爲立

嗣乾隆間 旌祀節孝祠

陳氏郭東煙妻也二十一而寡守貞事姑姑老病遭

火風雨屋將傾氏負姑出險棟折傷股姑歿喪葬

盡禮課子義訓有方乾隆間 旌

陳元塗妻邱氏幼穎慧父課以內則諸書通曉大義

年十七于歸甫二載夫歿遺腹八月及生男奉姑

撫孤姑歿哀毀嘔血不休乾隆間 旌

甘氏許良植妻二十而寡庶姑在堂遺孤在抱氏加

意孝謹苦節五十餘載乾隆間 旌

甘氏貢生許彥詔妻官保壯毅公之冢婦也彥詔歿

氏年二十七苦節孀守事舅姑曲意承順爲諸妯

娒法乾隆間 旌

黃氏貢生郭臯妻海澄公芳泰女也幼習女誦文

墨年二十于歸二十六寡苦志撫孤孀守四十餘

載乾隆間 旌

許氏庠生周松妻年二十歸周末三載夫歿遺孤方
十月舅姑在堂氏孝慈兼盡苦節四十餘年乾隆
間 旌

甘氏陳錫類妻年二十六孀守事舅及繼姑以孝姑
病紡績以供醫藥撫孤子淵親帥就學淵遊於庠
苦節三十五載乾隆間 旌

許氏黃錫瑞妻年二十三寡事繼姑婉婉承順課子
以義方苦節四十餘年乾隆間 旌子澄泮貢生
澄淇國學生萬年已卯舉於鄉

許氏洪其盛妻年二十八夫歿柏舟自矢守節三十

二年乾隆間 旌

陳氏年十八歸貢生林耀澄二十六寡奉舅撫孤孀
苦三十一年終始如一乾隆間 旌

李氏林純仁妻年十七適純仁越年純仁與父外出
同時報訃氏不欲生或諭以事姑撫幼為重始就
啜姑失明十一載常以舌舐姑目冀復明孀苦三
十餘年卒乾隆間 旌

吳氏葉以寬妻年十八于歸越四年夫故氏呼搶迫
切奉姑撫孤孝慈備至苦節五十二載乾隆間
旌

黃氏吳亨周妻二十而寡舅姑在堂奉侍孝謹姑病
瘋湯藥不離側及疾篤焚香禱天願減齡以延之
後姑愈人謂孝感所致孀苦三十三載

黃氏吳亨用妻年二十夫歿守節三十三年乾隆間
旌

林氏陳士傑妻二十六歲而寡事祖姑盡孝孀守五
十二年

董氏江鳳山妻歸鳳山一年而寡年甫十九遺腹六
月八十老翁在堂氏孝養無方年五十五卒孫晏
乾隆辛酉舉人

胡氏楊應隆妻年二十八寡舅在堂孤旭日尙幼氏
勤女紅撫孤事舅備極慈孝

陳氏黃瑞妻年二十夫卒孤子三歲矢志撫育及孤
長娶婦亦陳氏生一子貿易遠出陳氏姑婦堅貞
自守爨火不舉後染時疾姑婦與孫相繼亡子流
落不復返矣

林氏盧崇福妻事姑孝謹年二十四夫亡遺孤一男
一女孀守五十餘載男娶孝廉楊善開孫女女適
庠生陳元渚次子不數年男亡婦楊氏二十五而
寡女適陳氏二十四而寡婦姑母女並以冰霜繼

節

江怨娘甘添生妻未婚夫病瘵入門奉事湯藥年二十夫死卽不事膏沐母欲奪其志不可家無擔石孀守四十餘年嘗遇翁病割股和藥以進病尋愈人稱其孝節年六十八卒

某氏蘇虞卿妻賦性溫淑閨教夙嫻年十八于歸三載遂孀守老翁在堂晨昏孝養撫幼孤荼苦備嘗歷節七十餘年現年九十有七子松菽水承歡亦年七十六矣

吳氏黃燾妻年十六于歸相夫事舅姑克盡婦道不

幸夫歿家無粒積遺孤尙幼氏勤女紅以資饗殮撫孤成立苦節六十餘年

陳氏李力菑妻于歸三載夫亡孤子未週歲撫之成立苦節六十餘年

陳氏袁唐民妻年二十九守節撫孤成立苦節五十餘年

韓朝韓妙同產兄弟也朝娶吳氏妙娶高氏後生一男曰祿未幾朝卒吳年二十二母勸改適吳佯諾及卒哭母迫焉吳方持鉢浙米碎而誓之且執鉢片毀面昏仆母驚駭去妙跪而請曰願以長繼長

吳氏乃蘇不幸妙亦早世高氏年二十四兩婦孀
守一孤日夜紡績以資薪水及孤長娶媳馬氏又
不幸天馬氏亦以節自矢一門三節衆皆傷之

高氏江啓妻十七于歸甫三月而啓逝遺腹生男及
娶媳甫生子又天氏茹荼三十餘年

邱氏許字侯捷未婚捷死氏聞訃矢志殉節卽奔喪
朝夕哭奠如禮徹靈後命結棚以待素粧登臺自
經邑侯韓鍾親臨祭奠三日始殮時方六月顏色
如生

陳氏許配盧尊尊洋販寄書侍養待年氏卽于歸事
翁姑曲盡婦道逾年尊歸道卒氏甘心守貞姑爲
立嗣教督成立旣婚娶生孫嗣子復天氏卒年八
十餘人盡哀之

司馬氏罕娘許字林長素未婚而長素歿於外洋氏
聞訃欲自經家人嚴護之不得死乃懇父母欲奔
喪林家貧乏不能自存氏服三年喪孝事舅姑菽
水之歡皆出針黹族人爲之立嗣苦志三十三載
以閨女節終宗黨爲之治喪

以上
海澄

林氏許奇生妻二十一歲夫歿欲捐軀以殉姑力勸
乃止茹齋衣布終身足不踰戶姑老病日奉湯藥

衣不解帶訓諸孤皆有成立守節三十八年乾隆

間 旌 南靖

李氏戴宗杓妻年二十四而寡持家以儉事祖姑以
孝撫妾子鞠育如已出守節數十年乾隆間 旌

長泰

楊信媛陳丹蓋妻夫歿孝事舅姑侍疾勤苦後避禍

外家課督孤子艱虞備至乾隆元年壽百歲奉

旨 旌焉

沈氏黃色紅妻幼嫻女史二十六歲夫歿事尊嫜撫

孤子慈孝兼盡每夜分猶紡績篝火課子讀書孀

守三十五年乾隆間 旌

何氏陳其志妻二十一歲夫歿以夫兄子繼嗣奉姑

孝養備至勤操機杼課子義方乾隆間 旌

王振娘張伯超未婚妻聞伯超歿過張門代夫奉姑

日夜紡績以資滫髓里間稱之 以上平和

沈氏許邨姊妻年二十二夫歿奉翁姑撫孤子艱苦

備嘗守節七十三年乾隆間 旌

吳氏林承壩妻歸三載夫歿投環兩次以家人救得

甦因立夫姪為嗣食貧課子守節四十六年乾隆

間 旌

沈氏林鳳至妻年二十守節歷五十餘年教子成立
乾隆間 旌

羅氏廖英讓妻年十九夫亡勤苦孝慈守節六十七
年乾隆間 旌

陳氏沈茂遴妻十九歲夫歿母欲奪其志截髮以誓
不貳撫孤姪甚於已子茹荼守節五十七年乾隆
間 旌

林氏沈元勳妻年二十九夫卒家貧以紡績易甘旨
奉姑鄰火延及氏突入火中負姑出又入抱其子
鬻髮俱爛生平嚴於課子孫特起武科進士乾隆

間 旌

江氏張孟瑛妻早歲夫歿舅姑在堂孤兒在抱氏以
十指為仰事俯育之費苦節六十四年獲 旌

陳貞娘林本未婚妻本歿訃至氏絕粒數日歸林家
立夫從姪為嗣事翁姑克盡婦道卒年八十乾隆
間 旌

黃鴻娘游志密妻年二十七夫亡氏茹荼作苦晝夜
勤女紅以自給養姑教子克盡孝慈歷節五十八
年卒乾隆間 旌以上
詔安

已經 旌表節孝

陳氏郭鍾瑞妻雍正間旌 鄭氏陳允法妻 陳氏林耀澄

妻 陳氏徐熙章妻 楊氏周鼎梁妻 貞女謝氏

劉氏陳元濠妻 姚氏陳日耀未婚妻 郭氏王

心一妻 陳氏王在鎬妻 傅氏蘇天惠妻 貞女

黃氏 徐氏李五材妻 傅氏蔡君德妻 林氏儒

士鄭為龍妻 陳氏儒士韓哲夫妻俱乾隆間旌 林

氏黃彥章妻 趙氏李勲學妻 林氏監生李友倫

妻 林氏監生李振起妻 蔡氏儒士商琳光妻

林氏儒士商聲妻 何氏生員趙茂青妻 張氏儒

士劉學周妻 胡氏儒童湯速未婚妻俱乾隆間旌

藍氏李玉章未婚妻 薛氏林一鳳妻 王氏黃錫

濬妻 黃氏儒士葉晃章妻俱乾隆間 陳氏王印滌

妻 邱氏吳上球妻 莊氏張與華妻 簡氏魏睿

衷妻俱乾隆間旌 何氏陳繼志妻 曾氏生員葉鵬

飛妻 林氏何元聲妻 張氏林世杰妻 賴氏何

文志妻 王氏生員賴天柱妻 林氏儒童賴元城

妻 林氏儒童賴世銘妻俱乾隆間旌 邱氏吳玉柱

妻 林氏江韓妻 沈氏張釋夫妻 沈氏林開運

妻 林氏沈國琚妻 吳氏潘廷雲妻 林氏胡象

周妻 曹氏廖元芳妻 貞女陳氏 官氏儒童廖

德思妻 沈氏儒士林挺秀妻 林氏儒童沈升一

妻俱乾隆間旌
以上詔安

未經 旌表節孝

王氏陳師閩妻 涂氏王贊妻 陳氏涂熙璋妻

李氏鄭晏妻 李氏鄭衛冠妻 蔡氏 黃氏 丁

氏俱失夫名楊氏邱全未婚妻 林氏石耀賓未婚妻

郭氏陳桓妻 葉氏林堯章妻 林氏謝踰妻 蕭

氏薛鍾妻 林氏蔡瑤妻 蔡氏丁穹妻 劉氏陳

日彩妻 尤氏王以隆妻 林氏陳喜妻 杜氏徐

勳未婚妻 施氏李進未婚妻 范氏林高妻 鄭

氏施祖賽妻 陳氏郭家未婚妻 葉氏林快妻

鄒氏張彥妻 鄭氏洪士鏊妻 施氏黃標未婚妻

陳氏沈長輝妻 黃氏趙祥妻 余氏陳煥蘭妻

黃氏魏睿捷妻 王氏黃懋德妻 林氏吳應驥妻

以上龍溪溫氏李文龍妻 王氏洪英士妻 高氏陳國

戴妻 江氏黃上傑妻 陳氏林馨遠妻 洪氏林

開宗妻 徐氏蘇元習妻 石氏林景興妻 王氏

盧天付妻 馬氏郭貢妻 許氏黃鐵麟妻 曾氏

陳爾吹妻 朱氏宋朝佐妻 陳氏劉敦誠妻 戴

氏汪璧妻 吳氏林長燦妻 郭氏江方祖妻 陸

氏戴良賴妻 曾轉娘陳濟妻 徐氏洪從妻 蘇

氏林國略妻 黃氏江南妻 藍氏陳廷尊妻 王

氏江呈蘭妻 程氏曾光華妻 徐氏陳嘉謨妻

蔡氏劉宏達妻 游氏江鍾妻 曾氏黃錫珩妻

洪氏劉士華妻 潘氏許賓國妻 蘇氏葉歷章妻

薛氏葉向沈妻 許氏黃錫瑾妻 羅氏楊崇柔未

婚妻 李氏顏樹顯未婚妻 林氏陳齊若未婚妻

許氏袁添未婚妻 以上海澄

貞烈

陳潔娘年十八適楊靜甫四月海寇猝至挾之登舟

遂投龍江死靜終身不復娶時稱節義

嚴氏黃肇復妻肇復死紡績自守順治六年海寇陷

石美城為所掠至景莊墓不肯行寇脅之罵益厲

遂遇害

王慎娘丁塏妻逃亂遇寇恐為所污投深潭死塏尋

之屍忽半身挺立水上塏乃收葬之

蔡錦娘少能詩適邑子陳里里卒家貧依姑以生姑

卒終喪遂投繯死溥娘亦以節終

李田娘適藍國浦浦父瑗亦以平臺功鎮金門氏嫁

甫四月而寡自縊以殉

吳氏王照妻照死氏年二十二俟夫殯畢乘間整衣
正容自縊卒

謝氏陳奠邦妻奠邦卒越月徹靈囑其女孝事祖母
遂閉戶自經

郭薇娘適陳從鳳甫半載而夫歿乃託言歸寧密採
野葛服之入門父母訝其神氣大異氏哭曰兒從

陳郎地下矣遂卒

傅氏王鳴岡妻年二十二夫卒氏不勝哀飲鴆卒

林氏黃昌榮妻夫病亟私飲鹼欲偕亡以救甦越大
祥扁戶雉經死

施氏諸生陳以潤妻以潤病瘵將死氏念夫有母侍

養身可代也夜告天自經死夫病遂瘥

陳崔娘黃羣妻羣病篤氏請於父母歸陳侍夫病未
幾夫卒父母欲奪其志遂自經

胡氏林原密妻原密病亟氏許以身殉及卒截髮納
原密懷中以為質乘間投繯卒

石氏王弁妻夫卒撫孤孤復夭遂縊死

梁氏黃元瑞妻元瑞卒母欲奪而嫁之遺孤復夭投
繯自盡

向氏黃輔周妻夫卒自經死年二十四耳

鄭願娘年二十適林準甫三月而準歿氏祭夫畢經死

王蔭娘適諸生徐適駿適駿卒蔭娘亦不食死

范氏適陳志毅志毅卒氏自縊於屍側同日而殮

苗氏者馮辰港夷女也里人施世燿賈於其地遂娶

焉世燿卒番會悅苗色欲強納之苗自縊死施族

爲招魂設主祀之

馬鸞娘農家子也幼許字柯平平久客不歸母爲別

許婚有日矣鸞娘飲鴆死

陳歛娘許字楊天喜天喜落魄無賴欲退婚索舊所

聘金母以告歛娘泣曰姑遲之若或有悔心久之

天喜無悛志復踵門恣睢聲益厲母陰以歛娘許

人得聘以償天喜歛娘偵知之遂自縊

陳受娘許字諸生黃攀桂攀桂應省闈卒於旅邸次

年陳還黃聘將改圖女自縊死

陳洽娘許字蘇德郎方訂盟未聘也德郎歿女引刀

斷喉死

郭戎娘許字林天成天成卒氏投繯以殉

蔡氏林妹侯未婚妻父以妹侯家貧欲退婚氏懇其

母召妹侯至贈以簪珥白鏹入內自縊死

蔡媚娘諸生陳肅其妻肅其死於瘵氏志以身殉舅
姑屢諭之至大祥不食死

楊險娘諸生陳昌言子婦樓火楊逃出復知舅姑未

出更昌煙入口舅姑若歿我安用生為卒入死焉

及火熄見楊左攜舅右抱姑若欲偕出狀者以上龍溪

洪氏薛燕妻事翁盡誠敬燕罹疾氏侍養勿懈母知

壻病來與居攜蔬相餉氏委之地曰兒與壻俱不

食矣妯私曰若孝何遽如此垂淚曰恐母念我以

此減母異日哀耳夫歿之夜以帛交頸懸牀孺死

黃阿姐朱賢良妻年二十一夫歿以節自持母欲奪

其志遂自經死以上漳浦

林天祿妻許氏壽寧訓導汝周女年二十二嫁十二

日夫亡時老姑在堂矢志守節哀哭如禮三年喪

畢老姑繼亡家貧喪費悉出拮据終喪與諸親訣

曰命薄失所天又失所恃偷生何為隨投繯死

黃靜娘父其寬業儒教以內則諸書通曉大義年二

十歸林建功無嗣林以血疝故氏水漿不入口及

葬畢泣辭舅姑沐浴更衣投繯自盡

柯淑娘貢生潤聰女年二十四歸黃猗先是潤聰與

倪父連財遂聯婚後兩家破落猗賭蕩欲議廢兩

家父母皆諾而女不願也曰身已許人貧賤甘焉
入黃門事舅姑惟謹且勸夫安分願以女紅供薪
水夫不悛既而將淑娘陰售富家子爲繼室行有
日矣淑娘佯爲修飾狀遂自經

黃專娘年十九歸蘇潔週年潔故專娘自經以殉

蔡美娘謝崑妻年十九于歸八月夫死翁欲奪其志
美娘自經而死

邱保娘謝加祿妻年十八嫁夫婦相敬如賓週年夫
故屍猶未殮保娘沐浴更衣遂投井死

顏肯娘林朴妻千總富女也年十八于歸五月夫死

及期年姑迫改適肯娘遂投井死以上海登

朱君娘馮道妻家貧惟勤十指以資爨火道且病時
仰屋嗟嘆君娘力慰之未幾道投水歿君娘聞之
亦投水死乾隆間 旌焉

林翠娘楊聯登妻聯登病咯血氏侍奉湯藥逾二年
夫歿百日奠祭畢刺血寫遺書置案上閉戶自縊

乾隆間 旌

杜氏某妻謹守婦道遇里民朱義調姦氏不從服毒
死乾隆間 旌

賴敬娘年十三遇族人賴現強姦敬娘誓死不從被

戮死乾隆間

旌

以上平和

林勸娘李炎未婚妻炎訃至自縊而死時年十九乾

隆間 旌

沈瞻娘林基妻年十八歸林踰歲夫歿誓志孀守以

奉姑教子及姑歿且葬男壯有室氏嘆曰吾道盡

矣遂投繯卒

李逢娘沈光未婚妻光以哀毀卒氏聞訃跪請於母

往夫家至則大慟殯殮畢懸樑自經

曾良娘廖元芳妻歸未二載夫歿氏經營殮事即自

縊姑偵知急救而蘇後撫男成立姑歿喪葬事訖

仍絕粒而死

李瑾娘吳鍵未婚妻聞鍵訃欲歸吳守節母強奪其

志遂投繯而死

張氏林名克妻克臥病三載氏奉湯藥不少懈及卒

哀號絕粒請立嗣以續宗祀事定沐浴自經

施氏陳提妻夫歿誓志孀守有強暴欲污之氏堅不

從自縊死同邑有李容娘游益妻張氏林信妻捐

軀成志事與此同俱乾隆間 旌

余氏黃丕妻縣民陳貫調戲致氏羞忿自縊守正捐

軀乾隆間建坊 旌表

以上詔安

已經

旌表貞烈

杜淡娘

妻 沈氏

妻

俱乾隆
間旌

按二氏俱詔安人其夫姓名縣冊未詳存以
俟考

福建續志卷六十六終

